

نمت وبعز البرد ما تغطيت

بقلم أنيس زبيدي

هونيك مطرح ما أنا تمرّيت
خبّيت وجّي اليوم وتخبّيت
وفي نار عم تاكل وما تشبع
وبعدن صحاب البيت برّا البيت

دعسات حدّ الباب ما بسمع
والا خيال الخوف ما بقشع
الليل انتهى والضوّ رح يطلع
واختي بعد ما سرّبت ع البيت
ومين اللي بدّو يسأل عليها
وبعدن صحاب البيت برّا البيت

الموسم إجا وعنّا في زيتونات
بدن عنايي بيكبرو الحبّات
الناطـور متلبّك بهالرزقات
زيتون بدّو يتركـن أو زيت
ومين اللي بدّو يجاوب الناطور
وبعدن صحاب البيت برّا البيت

هالبيّ يللي بالبجر غرقان
قال بدّو يخلص الجيران
وهالام يللي طفلها جيعان
نقطة حليب بصدورها ما لقّيت
ومن وين رح يشبع حنان الطفل
وبعدن صحاب البيت برّا البيت

بيّي شلح عنّي لحافي ومين
بيعمل متل بيّي التركني سنين

ولمّا إـجـو تـشـارـين وـكـوانـين
نـمـت وـبـعـز الـبـرد ما تـغـطـيـت
ومـين الـبـشـعـل جـمـر الـبـردان
وبـعـدن صـحـاب الـبـيت بـرّا الـبـيت

طـالـع هـوا بـرّا ومـعـو تـنـيـن
حـامـل بـراسـو فـكـرة شـيـاطـين
ونـحـنا بـغـيـاب الـأهـل فـز عـانـين
وَعَ شـويّ رـح تـوقـع حـيـطـان الـبـيت
ومـين الـلي بـدّو يـخـلـص ولـادـو
وبـعـدن صـحـاب الـبـيت بـرّا الـبـيت

نـيـويـورك سـيـتي

iloveyoulebanon@hotmail.com

الشاعر المغترب انيس زبيدي